

Pa prome biaha na Aruba...

Autoridadnan Arubiano ta duna detaye riba nan sospecho den e caso di Natalee

ORANJESTAD (AAN)—Segun informacion cu a circula ayera riba e website di Fox News, pa prome biaha, autoridadnan di Aruba a revela ayera, nan sospecho relaciona cu e desaparicion di Natalee Holloway, bisando cu nan ta kere cu Natalee a worde asesina.

Joran van der Sloot y su amigonan, Deepak y Satish Kalpoe, ta deteni bao sospecho di asesinato y secuestro. E di cuatro persona, e DJ di Tattoo, S. Croes, tambe ta cera bao di e mesun sospecho.

E di cinco persona, Paul van der Sloot, e tata di Joran van

der Sloot di 17 aña, tambe a worde deteni bao sospecho di complicidad di un homicidio premedita, y di complicidad den un caso di secuestro y asesinato. Nan ta bisa cu bao di e sistema di ley arubiano, e cargo di complicidad ta ser cataloga como un cargo menor.

Ningun di e sospechosonan a ser acusa di a comete un crimen, pero tur cinco ta cera bao custodia di polis. Mientras cu Ministerio Publico a conforma e alegacion nan aki.

Joran van der Sloot y e rumannan Kalpoe a ser aresta 10 dia despues di e

desaparicion di Natalee Holloway. Polis a bisa cu Joran van der Sloot a conoce Holloway dos dia prome den e casino di e hotel unda Natalee tabata hospeda. Dia 30 di Mei tabata e ultimo biaha cu e mucha muher mericano di 18 aña a ser mira cu bida. E mucha muher tabata na Aruba, hunto cu compañeronan di school celebrando nan graduacion. Deepak y Satish Kalpoe a bisa polis na prome instancia cu nan a baha Holloway na Holiday Inn unda e tabata hospeda, admitiendo e version cu Joran a duna na e autoridadnan y cu e mama di

e rumannan Kalpoe a sostene. Nadira Kalpoe-Ramirez a bisa e dia di e desaparicion di Natalee cu Deepak (21) y Satish (18) a bay busca Joran y Holloway na algun lugar na Aruba y cu despues Deepak a bay traha den un internet café.

Fox News ta señala cu un di e rumannan Kalpoe, un tabata tras di stuur, mientras cu e otro tabata sinta banda di dje, mientras cu Joran y Holloway tabata sinta na e parti di patras di e auto sunchi otro.

Deepak a bisa cu el a bira un tiki incomodo cu loke Joran cu Natalee tabata haci den su auto, asina Ramirez a bisa. A agrega cu su yiu na e conte cu nan no tabata conoce Holloway di prome y nan a agrega cu nan tabata bebiendo e anochi ey y cu nan no tabata sa nada di dje, solamente cu e tabata cu Joran y cu nunca el a sera conoci cu nan.

E version di Joran, awor ta bao investigacion di e autoridadnan mas detayadamente despues cu su mama a admitio cu su yiu a cambia e historia tocante e desaparicion di Natalee. Den un entrevista cu The Associated Press, Diahuebs cu a pasa, e mama di Joran awor ta admiti cu su yiu tabata su so cu Natalee na e beach pero cu ta nenga cu el a hacie algun

daño.

Awor e situacion a bira mas complica ora cu e tata di Joran, Paul van der Sloot a ser deteni riba Diahuebs. El a bisa na Fox News cu e ta sigur cu su yiu no tin nada di haber cu e desaparicion di Natalee. "Ainda nos ta kere den dje, Paul van der Sloot a bisa.

Beth Holloway Twitty, mama di Natalee ta insisti cu Joran van der Sloot y e rumannan Kalpoe sa kico a pasa cu su yiu y cu polis ta presionando nan fuertemente pa nan bisa e berdad. E ta puntra su mes di con e tres hoben a ser laga liber inicialmente y despues di apenas un par di oranan di pregunta, y nan a worde aresta mas cu un siman despues.

Anita van der Sloot tambe a cuestiona e tactica aki. A bisa Fox News cu Joran mester a worde interroga for di cumintamento, pero nan a laga e muchanan bay.

Separadamente, ayera, un familiar cercano na e investigacion a bisa Fox News cu FBI solamente tin tres agente na Aruba trahando den e caso di siete cu tabata tin. E fuente aki, cu a prefera di keda anonimo, a bisa cu e team a bira menos pasobra no tin mucho pa investiga awor cu e arestonan a tuma lugar.

Wega di schaak huridico den caso Natalee?

Paul van der Sloot no por testigua contra su mesun yiu

Begünstigung van de dader/Begünstigung door naaste familie

Artículo 189 ta un artículo cu tin den e Código Penal di Hulanda. E mes un artículo aki ta den e Código Penal di Aruba, pero cu un otro number. Pues artículo 36^a ta un artículo di Hulanda, y na su lugar tin un artículo di Aruba.

Les a e ultimo parti di e artículo aki, cu ta bisa cu e artículo aki no ta aplikabel ora ta trata di un familiar den prome grado.

Art. 189. 1. Mei gevangenisstraf van ten hoogste zes maanden of geldboete van de derde categorie wordt gestraft:

hij die opzettelijk iemand die schuldig is aan of vervolgd wordt ter zake van enig misdrijf, verbergt of hem behulpzaam is in het ontkomen aan de nasporing van of aanhouding door de ambtenaren van de justitie of politie;

hij die nadat enig misdrijf is gepleegd, met het oogmerk om het te bedekken of de nasporing of vervolging te beletten of te bemoeilijken, voorwerpen waarop of waarmede het misdrijf gepleegd is of andere sporen van het misdrijf vernietigt, weg maakt, verbergt of aan het onderzoek van de ambtenaren van de justitie of politie onttrekt;

hij die opzettelijk voorwerpen die kunnen dienen, om de waarheid aan de dag te brengen of om wederrechtelijk verkregen voordeel als bedoeld in artikel 36c aan te tonen met het oogmerk om de inbeslagname daarvan te beletten, te belemmeren of vrijstellen, verbergt, vernietigt, dan wel door het opzettelijk verstrekken van gegevens of inlichtingen aan derden die inbeslagname belet, belemmert of vrijdeelt.

2. Deze bepalingen zijn niet van toepassing op hem die de daarin vermelde handelingen verricht ten einde gevaar van vervolging te ontgaan of af te wenden van een van zijn bloedverwanten of aangehuwden in de rechte lijn of in de tweede of derde graad van de zijlijn of van zijn echtgenoot of gewezen echtgenoot.

Di otro banda polis y Ministerio Publico y tambe Hues Comisario di antemano tabata sa di e limitacion legal ey den ley pa loke ta trata e caso di Paul van der Sloot y ta pesey e detencion di Paul van der Sloot lo mester por ta basa riba cierto evidencianan clave of basta solido cu autoridadnan hudicial a dicidi di bay over na detencion di Paul van der Sloot.

Hunto cu e artículo aki redaccion ta publica e stipulacionnan di ley unda por saca afor cu den e caso di Paul van der Sloot e no por testigua contra su mesun yiu.

Si e no por testigua of duna informacion contra su mesun yiu anto pakico a detene Van der Sloot anto?

Polis y Ministerio Publico tin sospechonan y encargonan contra Paul van der Sloot mes?

E caso aki mas y mas ta mustra den direccion di un wega di Schaak Huridico cu ta haci trabao di polis dificil, pero segun informacionnan haya for di bon fuente, polis ta pusha pa cueste loke cueste saca e berdad pa dilanti y no lo bay tin ningun wega di Schaak Huridico cu lo bay para nan den nan trabao.

ORANJESTAD (AAN) Tata di e mucha homber Van der Sloot no por wordo obliga pa testigua contra su mesun yiu segun ley ta stipula y ey ta caminda cu durante dianan enidero e caso di desaparicion di e mucha muher Mericano Natalee lo bay haya un rumbo diferente

ora cu cierto informacionnan riba e caso lo por bin afor.

Paul van der Sloot como funcionario halto di e aparato hudicial na Aruba sa esey tambe y ey ta caminda cu esnan cu tin cu interroga Van der Sloot ta haya nan mes cu un obstaculo legal grandi nan dilanti.